



**Stručna služba Općinskog vijeća i
Općinskog načelnika**

Broj: 01/1-02-2921-2/23
Breza, 22.09.2023. godine

Z A P I S N I K

**sa održanog sastanka predsjednika i predstavnika Klubova parlamentarnih stranaka
Općinskog vijeća Općine Breza, koji je održan dana 21.09.2023. godine, sa početkom u
16:30 sati, u maloj sali Općine Breza**

Sastanku su prisustvovali predstavnici Klubova parlamentarnih stranaka koji participiraju u Općinskom vijeću Breza i to:

- Rihčić Anel, predsjedavajući Općinskog vijeća
- Bašić Mirnes, predsjednik Nezavisnog kluba vijećnika,
- Herco Faida, predstavnik Nezavisnog Kluba vijećnika SDA i SBB,
- Abadžija Nedim, predsjednik kluba NIP,
- Sokić Dževahid, predsjednik Zajedničkog kluba vijećnika SPU/GDS BiH
- Čorbo Malik, Malik Čorbo, predstavnik kluba DF,
- Rahimić Adnan, predsjednik Zajedničkog kluba vijećnika Za BiH/A-SDA,
- Ahmedspahić Mirza, predsjednik kluba SDA,
- Tabaković Admir, predsjednik Nezavisnog kluba vijećnika

Ispred Općinskog organa uprave: Općinski načelnik Jusić Vedad, pomoćnici/ce Općinskog načelnika Beširević Meliha, Gazdžić Selma, Hasanspahić Salih i Herco Huso, Stručni saradnik za informisanje Avdukić Edin te ispred Stručne službe Općinskog vijeća Mamela Tarik.

Sastankom je rukovodio predsjedavajući Općinskog vijeća Rihčić Anel.

Ad 1.

**Utvrđivanje Dnevnog reda za 32. redovnu sjednicu Općinskog vijeća,
kao i termina održavanja iste**

Sastanak Kolegija je započeo u 16,30 sati.

Općinski načelnik i pomoćnici Općinskog načelnika su obrazložili svaku predloženu tačku te razloge za razmatranje i odlučivanje o istim na 32. redovnoj sjednici Općinskog vijeća.

Pomoćnica Općinskog načelnika Gazdžić Selma je obavjestila predsjednike i predstavnike Klubova je u skladu sa donesenim Zaključkom Općinskog vijeća sa 30. sjednice ponovno dogovorila dolazak predstavnika Kantonalnog zavoda za urbanizam i prostorno uređenje Zeničko-dobojskog kantona, a u vezi sa prezentovanjem dozvoljenih lokacija za zbrinjavanje otpada predviđenih novim prostornim planom općine Breza koji je u procesu izrade.

Sokić Dževahid predsjednik Zajedničkog kluba vijećnika SPU/GDS BiH je ponovno aktuelizirao pitanje fiktivnog prijavljivanja stanovnika Općine Breza u Kantonu Sarajevo, radi ostvarivanja zdravstvene zaštite i određenih prava te naveo sve izraženije probleme za lokalnu

zajednicu u vidu ekonomskih i socijalni teškoća te predložio pokretanje aktivnosti na iznalaženju rješenja za omogućavanje liječenja građana Breze u Kliničkom centru Univerziteta Sarajevo.

Nakon učešća u raspravi prisutnih predlagača dnevnog reda, kao i predsjednika i predstavnika Klubova, dogovoreno je sljedeće:

Za 32. redovnu sjednicu Općinskog vijeća Breza predlaže se sljedeći dnevni red:

1. Presentacija dozvoljenih lokacija za zbrinjavanje otpada predviđenih novim Prostornim planom općine Breza koji je u procesu izrade, Izvjestilac: Služba za prostorno uređenje, zaštitu okolice, geodetske i imovinsko-pravne poslove i Kantonalni zavod za urbanizam i prostorno uređenje Zeničko-dobojskog kantona ;
2. Razmatranje i usvajanje Zaključka o nedodjeljivanju poslovnih zgrada i prostorija u vlasništvu Općine Breza političkim strankama u zakup, Izvjestilac: Služba za prostorno uređenje, zaštitu okolice, geodetske i imovinsko-pravne poslove;
3. Prijedlog Odluke JP „Elektroprivreda BiH“ d.d Sarajevo- Podružnica Zenica o utvrđivanju javnog interesa, Izvjestilac: Služba za prostorno uređenje, zaštitu okolice, geodetske i imovinsko-pravne poslove;
4. Razmatranje i usvajanje Informacije o izvršenju Budžeta Općine Breza za period 01.01. 2023.- 30.06.2023. godine; Izvjestilac: Služba za finansije, inspeksijske poslove i opću upravu;
5. Prijedlog Odluke o usvajanju Programa raspodjele sredstava za projekte iz oblasti sportske infrastrukture iz Budžeta Općine Breza za 2023. godinu, Izvjestilac: Služba za finansije, inspeksijske poslove i opću upravu;
6. Prijedlog Programa utroška sredstava utvrđenih Budžetom Općine Breza za 2023. godinu sa kriterijima raspodjele „Tekući transfer za razvoj poduzetništva i obrta“, Izvjestilac: Služba za privredu;
7. Prijedlog Odluka o utvrđivanju unutrašnje organizacije općinskih službi u Jedinstvenom organu uprave Breza, Izvjestilac: Općinski načelnik
8. Razmatranje Informacije o stanju JP „Komunalno“ d.o.o. Breza, Izvjestilac: Direktor JP „Komunalno“ d.o.o. Breza
9. Usmena informacija o tekućim aktivnostima i aktuelnim pitanjima Općinskog načelnika, Izvjestilac: Općinski načelnik
10. Razmatranje i usvajanje Inicijative o pokretanju aktivnosti na iznalaženju rješenja za omogućavanje liječenja građana Breze u Kliničkom centru Univerziteta Sarajevo, Izvjestilac: Kolegij Općinskog vijeća

Nakon što je predloženi dnevni red jednoglasno potvrđen predsjednici i predstavnicima Klubova parlamentarnih stranaka Općinskog vijeća Općine Breza dogovorili su da se 32. redovna sjednica zakaže za 28.09.2023. godine /četvrtak/ sa početkom u 16:30^h.

Sastanak završen u 17:20 sati.

Stručna služba Općinskog vijeća i
Općinskog načelnika
Mamela Tarik, s.r.

PREDSJEDAVAJUĆI
Općinskog vijeća
Anel Rihčić, s.r.